



Bentiaraq Ottosen

UKA 2026/232-1

Atassut

23. September 2026

Uunga siunnersuut: Inuit innarluutillit tapersorsorneqarnissaannut Inatsisartut inatsisaat

(Peqqissutsimut Inunnnullu Innarluutilinnut Naalakkersuisoq)

(Siullermeerneqarnera)

Atassut inuiaqatigiit akornanni inunnik isumaginninnikkut periarfissat pitsaanerulernissaanik siunertaqarluni politikkertarnera tamatsinnut pingaaruteqarluinnartuuvoq, oqariartuut tassaavoq inuit kikkulluuniit tamarmik naleqartutut aammalu inuiaqatigiit akornanni atorfissaqartutut misigiuaanarnissaat qulakkeerneqartariaqartoq. Atassutip inuit pisinnaatitaaffii pitsanngorsartuarnissaannut aqqutissiussilluni qulakkeerinnettusarpoq, kikkulluuniit pisortanit aporfissalersorneqaratik misigiuaanarnissaat anguniarlugu.

Atassut inunnik ikiorserterialinnik uummateqarluni kiffartuuserusuttuunera aammalu kiffaangissutsimik oqariartuuteqartarnera kikkulluuniit ilisarisinnaasarpaat. Atassut inuiaqatigiinni kikkut tamarmik oqartussaqaataanerannik pingaartitsisuuvoq, kiffaanngissuseq eqqartorneqartillugu inuit pisinnaatitaaffii puujorneqannginnissaat erseqqissumik oqariartuutigisarlugit.

INUK QITIUTILLUGU oqartarnek tassaavoq inuk aallaavigalugu ingerlatsineq, kikkut tamarmik inissaqartinneqassapput. Isumaqarpugulli inuiaqatigiit akornanni ineriartortinneqarnissaa tamatta nukissaqarfigisariaqaripput.

Suliassarpassuaqarpugut, suliassalli pingaaruteqarluinnartut ilagaat inuit ikorfartorneqarnissamik pisariaqartitsisut. Oqartussaassuseqarput aammalu naleqartutut misigiuaannartariaqarput. Atassut isumaqarpoq inuit timimikkut innarluutillit aammalu eqqarsartaasimikkut innarluutillit pitsaanerumik atugassaqartinneqarnissaat qulakkeerneqartariaqartoq. Pingaaruteqarporlu angajoqqaajusut aammalu ilaqutariit oqariartuutaanik naalarninissaq.

Atassutip eqqaamaqquaa nunatsinni inoqarpoq aamma timimikkut innarluuteqalersimasunik, oqaatigilluaanarlugu utoqqalinermi timikkut innarluuteqalersimasunik. Eqqarsartaasimikkullu aamma ersinngitsumik innarluuteqalersimasunik, tamakkua puujorneqannginnissaat isumaqarpugut pingaaruteqartuusoq eqqartussallugu.

Ukiopassuanngortuni utoqqaat pillugit oqaaseqartartup oqariartuutigiuarsimavaa utoqqaat timimikkut aammalu ersinngitsumik innarluuteqalersimasut puujorneqartarneri. Isumaqarpugulli aamma puujorneqannginnissaat sulissutigineqarlunilu ersarissarneqartuarnissaa eqqaamaneqassasoq.



Oqartoqartarpoq ilaqutariinneq sukarsuuvoq inuunitsinni pingaarnerpaaq, tamanna erseqqissumik naqissusissavarput eqqortuusoq. Inuit timimikkut innarluutillit aamma inuit eqqarsartaasimikkut innarluutillit pitsaannerusumik atugassaqartinneqarnissaat pingaaruteqarpoq, ersarissartuartaqarparpullu tapersersorneqarnissaat inuit pisinnaatitaaffii pillugit qulakkeerinninnissaq.

Atassummiit eqqartorumavarput aammalu naaperiaassutigisinnaavarput utoqqartatta pitsaannerusumik atugassaqartinneqarnermikkut qulakkeerinninnissaq, utoqqalinermi timikkut aammalu ersinngitsumik innarluuteqalernikkut nalaanneqartartut annertuumik ilaqutariinnut aamma eqquisinnaanerat sulissutigineqarluni ikiorsiissuteqarnikkut periarfissat pitsaanerulertariaqartut oqariartuutigissavarput.

Taamaattumik Naalakkersuisut kaamattorpagut inuit innarluutillit tapersersorneqarnissaat pillugu Inatsisartut inatsisaat iluanni utoqqaat tapersersorneqartarnerat pillugu periarfissat illugiisillugit suliarineqartariaqartut. Utoqqalinermi neqeroorutigineqartut atorfissaqartinneqartullu aallaavigalugit Kommunit nunatsinniittut pitsaasumik suleqatiserineqarnissaat pingaartuuvoq. Qulakkeerumallugu inuit timimikkut innarluutillit aamma eqqarsartaasimikkut innarluutillit, ersinngitsumillu innarluutillit eqqortumik kiffartuuneqarnissaat.

Atassut pingaartilluinnarpaa ullumikkut killiffik eqqarsaatigalugu inuit isumannaatsuutinissaannut inatsit nunatsinni atuutsinneqartariaqarnera. Tassuunatigut suliassanik inuillu pisinnaatitaaffiinik qulakkeerinnilluta naamassinnissinnaassagutta inunnik kiffartuusinerit ersarissut atorneqarsinnaanissaannut kiffartuusisusut sakkussaannik tunniussisinnaalissagatta. Tamakkua eqqaamaneqarlutillu takutinneqarnissaat isumaqarpugut avaqqunneqarsinnaanngitsoq.

Atassummiit qulakkeerusulluinnagatta ilagaat Inuit timimikkut aammalu eqqarsartaasimikkut innarluutillit pillugit pingaartumik tapersersorneqarnissaat, ulluinnarnilu toqqissillutik inuuneqarnissaat aallaavigineqassasoq. Taamaattumik erseqqissaanitsinni pingaartilluinnarparput utoqqaat timimikkut ersinngitsumilu innarluuteqalersimasut pitsaannerusumik atugassaqartinneqarnissaat anguneqartariaqartoq, puujussanngilarpulli ilaqutaasut tamatumingga aamma sakkussaannik tunineqarnissaat qulakkeerneqassasoq.

Taamatut oqaaseqarluta Naalakkersuisut kaamattorpagut uku eqqartorneqartut pillugit pingaaruteqartuusoq ersarissassagaat.

Naalakkersuisut siunnersuutaat taperserparput kaamattuutigullu tigullugit ilaqutariinermut peqqissutsimullu Ataatsimiititaliamut innersuullugu inassutigaarput.